



REGIONE AUTÒNOMA DE SARDIGNA
REGIONE AUTONOMA DELLA SARDEGNA



COMUNU DE DOMUS DE MARIA

Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.

LOGUS AMPARAUS E BISIONIS ABERTAS

Primu Forum Regionali de is Àreas Marinas Protetas

Su Primu Forum Regionali de is Àreas Protetas de Sardigna dd'ant fatu su 29 de maju 2025, anca est su Parcu de Tepilora, in Torpè-Posada.

Un'eventu ùnicu e de spantu ca at atobiau spertus, istituzionis e interessaus po arrexonai apitzus de arretzas de traballu ca funtzionant, conca a is àreas amparadas de Sardigna, siat Regionalis ca Natzionalis.

Sa Sìndica de su Comunu de Domus, Dotora Spada Maria Concetta, Presidenti po fintzas de s'Àrea Marina Proteta "Capo Spartivento", at pigau parti a su forum arrexonendi paris cun is prus spertus mannus de su setori, Regionali e Natzionali.

Is àreas protetas funt de contu non sceti po aguantai sa biodiversidadi, ma po fintzas ocasioni po ammànniu econòmicu sustenìbili, ca portat benèssiri e prosperidadi.

Sa Sardigna, sa costa de Chia cun is miradas suas de spantu e sa richesa de sa natura, s'ammànniat a essi modellu de sviluppu e turismu sustenìbili, punna de s'Amministratzioni Comunali de primitziu, ca s'amparu de sa natura currit paris a su benèssiri locali e a sa crèscida econòmica.

Funt tretus trumentosus e stentosus ma cun impìnniu e fortza s'Amministratzioni Comunali at a ponni in fatu.